

容城縣志卷之四

食貨志

粵稽禹貢咸則三壤成賦中邦洪範八政食貨爲先是誠不可緩者故首之戶口以植其本次之田畝以開其源賦稅以充乎公之入差役以給乎用之宜武備所以戒不虞也物產所以辨方物也審乎此則君可饒民可裕禮樂可興而政無不舉矣

戶口

原八百七戶順治年間開除逃亡故絕投充實

容城縣志

卷四

食貨

在七百三十二戶康熙十年編審增三戶實在七百三十五戶歷年生聚乾隆二十六年清查牌甲編造烟戶冊實在一萬二千二百九十戶人丁

原額上中下九則折就下下人丁一萬二千五百八十五丁順治年間編審除豁逃亡故絕實在人丁八千九百二十二丁歷年加添滋生丁至康熙五十五年編審原丁並加增實在九千一百六十二丁每丁徵銀一錢共徵銀九百一十六兩二錢奉

詔永不加賦雍正二年均攤入地糧銀內徵收

### 田賦

原額民地二千二百六十二頃七十一畝八分九釐零除圈佔外實在存剩民地七百七十四頃五十畝三分零每畝徵正供銀一分二釐四毫零又徵雜辦銀一分八釐六毫零又加徵津旅兵餉胖衣芝棉鄉場物料銀一釐一毫零每畝實徵銀三分二釐二毫零共徵銀二千四百九十四兩七錢六分九釐零每兩均攤丁匠銀二錢七釐零共攤丁匠銀五百一十六兩四錢

### 容城縣志

### 卷四

食貨

二

八分四釐零共徵銀三千一十兩三錢三分零遇閏每畝加徵銀三釐六毫零每兩徵丁閏銀七釐九毫零共加徵銀三百二十五兩三錢六分零額外每兩徵耗羨銀一錢四分共徵耗羨銀四百二十一兩四錢四分六釐零遇閏加徵耗羨銀四十五兩五錢七分八釐零

### 支解

### 修理

龍亭銀五錢

文廟銀十兩

文廟崇聖名宦鄉賢春秋二大祭銀四十兩

關帝廟春夏秋三大祭銀四十兩

社稷山川風雲雷雨城隍八蜡馬神等神春秋二大

祭銀三十兩

三小祭無祀鬼神銀十兩

時憲書銀三兩

鄉飲酒禮銀十兩

朔望行香紙燭銀一兩

本府驛遞工科每季解銀二百七十兩九錢四分

零共解銀一千八十三兩七錢六分零遇閏月

容城縣志

卷四

食貨

三

加銀九十兩二錢三分零

本府步快捌名每名工食銀六兩共解銀四十八

兩遇閏月加解銀四兩

本縣知縣俸薪銀四十五兩

門子二名每名工食銀六兩共銀十二兩遇閏

月加銀一兩

皂隸十四名每名工食銀六兩共銀八十四兩

遇閏月加銀七兩

馬快八名每名工食銀六兩喂馬銀十兩共銀

一百三十四兩四錢遇閏月加銀十一兩二錢

民壯四十五名每名工食銀六兩共銀二百七十兩遇閏月加銀二十二兩五錢雍正年撥給宛平縣四名工食銀二十四兩遇閏月加銀二兩涿州吏目四名工食銀二十四兩遇閏月加銀二兩武清縣縣丞四名工食銀二十四兩遇閏月加銀二兩薊州州判三名工食銀十八兩遇閏月加銀一兩五錢本縣現在民壯三十名工食銀一百八十兩遇閏月加銀十五兩禁卒八名每名工食銀六兩共銀四十八兩遇閏月加銀四兩

件作二名每名工食銀六兩共銀十二兩遇閏月加銀一兩

轎傘扇夫七名每名工食銀六兩共銀四十二兩遇閏月加銀三兩五錢

庫子四名每名工食銀六兩共銀二十四兩遇閏月加銀二兩

斗級四名每名工食銀六兩共銀二十四兩遇閏月加銀二兩

農夫二名每名工食銀六兩共銀十二兩遇閏月加銀一兩

典史俸薪銀三十一兩五錢二分

門子一名工食銀六兩遇閏月加銀五錢

皂隸四名每名工食銀六兩共銀二十四兩遇

閏月加銀二兩

馬夫一名工食銀六兩遇閏月加銀五錢

教諭俸薪銀四十兩

訓導俸薪銀四十兩

齋夫六名每名工食銀六兩共銀三十六兩遇

閏月加銀三兩

門斗二名每名工食銀七兩二錢共銀十四兩

容城縣志

卷四

食貨

五

四錢遇閏月加銀一兩二錢

廩生二十名月糧六十四兩遇閏月加銀五兩三

錢三分零膳夫二名工食銀十三兩三錢三分

零遇閏月加銀一兩一錢一分零

詹錄書手銀八兩五錢七分零

舖司十名每名工食銀六兩共銀六十兩遇閏

月加銀五兩

吹手四名每名工食銀六兩共銀二十四兩遇

閏月加銀二兩

更夫五名每名工食銀四兩八錢共銀二十四

兩遇閏月加銀二兩

火夫十名每名工食銀四兩八錢共銀四十八兩遇閏月加銀四兩

孤貧六十四名口糧銀二百三十四兩四錢遇閏月加銀十九兩二錢冬衣布花銀十七兩八錢一分四釐零

遞馬八匹工科銀九十八兩二錢八分遇閏月加銀八兩一錢八分二釐

二年一辦

貢生花紅旗扁銀二兩五錢

容城縣志

卷四

食貨

六

三年一辦

會試舉人盤費銀十五兩每年該銀五兩

新中舉人每名牌坊銀八十兩每年該銀二十六兩六錢六分零

新中進士每名牌坊銀一百兩每年該銀三十三兩三錢三分零

新中武舉每名花紅旗扁銀十兩每年該銀三兩三錢三分零

新中武進士每名花紅旗扁銀二十兩每年該銀六兩六錢六分零

以上存留支解共銀二千八百四十七兩四錢  
八分五釐零遇閏月加支解銀一百九十五兩  
四錢五分六釐零餘解 藩庫

額外旗租

雍和宮香燈地二頃七十四畝八釐每畝徵銀不等  
共徵租銀二十八兩

公產地五頃四十一畝六分五釐每畝徵銀不  
等共徵租銀一百三十七兩八錢七分七釐零  
存退餘絕地六十四頃一十三畝二分三釐一  
毫零每畝徵銀不等共徵租銀六百三十七兩

容城縣志

卷四

食貨

七

九錢零

圓贖戶下典買旗地三十二頃八十七畝八分  
每畝徵銀不等共徵租銀八百三十四兩六錢  
四分九釐零

圓贖民典買旗地八十七頃二十八畝零每畝  
徵銀不等共徵租銀二千五百五十九兩九錢  
六分零

稅課

當稅

每店一座稅銀五兩

房地稅

赴司請領契尾每銀一兩稅銀三分

牙課稅 共十五名

牛驢雜稅

以上各稅數無定額儘收儘解

倉穀

常平倉額設穀一萬石

社倉穀無定額

義倉穀無定額任人捐助

鹽引

原設額引三千五百引又分認京引一百六十

引



武備

經制外委把總一員 雍正五年增設

馬兵二名步兵十二名

墩舖三座

容城汎墩

王祥舖墩

新蓋房墩 俱在白溝店南屬雄縣汎

營房 在城隍廟前

遞送公文營房 在瞭馬臺

物產

蔬食類

粟卽今之穀也有黃白二色種類甚多脫殼則謂小米北人日用不可缺者

黍說文云禾屬而粘可爲酒有丹白黑三色稷亦曰糜徐鉉曰楚人謂之稷關中謂之糜陝西通志曰苗穗似蘆而米可食其米猶黍米但不粘耳

麥有小麥大麥二種小麥秋種夏收具四時之氣晝花薄皮多麪食之宜人陳者更良又有春種者曰春麥大麥仁可作飯生芽可作飴秫紅白二種俗呼高糧其米可食味平無毒北方下濕之地尤宜此

蕎麥一作苧廣羣芳譜北人作餅餌日用以供常食農人以爲禦冬之具

豆爾雅曰茂菽其種不一大小各色不下十數種

棉花有白紫二色上高地種者最多

白菜一名菘廣羣芳譜北方多入窖內不見風日苗葉皆嫩黃色脆美無滓謂之黃芽

芥一名辣菜可鹽用東坡詩云蘆菹有兒芥有孫

葱味辛苗葉而筒

韭葉如馬連而小春芽香脆五雜俎京師有韭黃蓋地窖火坑中所成

蘿蔔廣羣芳譜一名萊菔狀有長圓二類根有紅白二色可生可熟可俎可齏又有胡蘿蔔水

蘿蔔

蒿苳俗呼蒿筍遯齋閑覽云出倭國有紫白二色

芫荽一名胡荽幼新書云鶩不食草

董蒿其葉如艾香脆可食東坡詩云着眼應誇美如牙不塞嚙

菠菜一名赤根菜東坡詩云北方苦寒今未已雪底菠稜如鐵甲

芹菜有園芹野芹水芹又名水英杜子美云香芹碧澗羹

茗蓬一名慕菜葉厚而光滑飲膳正要云茗蓬根圖狀絕類茄蓮今涼夏有茄蓮

莧菜格物論云莧有數種有馬齒莧紅莧白莧

詢芻錄北人呼苻乃莧音誤也

瓠味甘而形長一名匏瓜形圓者謂之葫蘆

瓜有西瓜南瓜梢瓜王瓜絲瓜甜瓜冬瓜數種

獨西瓜味極佳文文山西瓜吟云拔出金佩刀

切破蒼玉瓶千點紅櫻桃一團黃水晶

蒜味辛能消油膩解諸肉毒五月五日出土獨

瓣者能治諸瘡

### 花菓類

桃唐明皇爲銷恨花實有緋碧白三色杜詩云

鸚鵡啄金桃

杏葉似梅而微紅東坡詩云零露滋丹葉濕風

散晴葩實有丹銀二種

李花如積雪其實青脆者佳客燕雜記李有五

紫李綠李黃李麝香李盤山李韓詩云冰盤夏

薦碧實脆

梨有數種而香水秋白更佳辛寅遜詩云嚼處

春冰猷齒冷噉時雪液沃心寒

柰有數種卽俗呼蘋婆沙菓甜菓是也潘岳賦

曰二柰耀丹白之色蜀都賦曰素柰夏成

聚有大棗小棗酸棗廣雅云棗有馬牙雞心杜

詩云庭前八月梨棗熟一日上樹能千迴  
葡萄馬乳者多亦有玉葡萄味極佳魏都賦曰  
葡萄結陰

石榴潘岳賦云千房同模十子如一江總詩云  
庭榴剖朱實

菱說文云菱陵也韓詩云菱翻紫角利

芡周禮注云芡雞頭一名鴈頭內有米圓白如  
珠八月間可採以爲食

蓮實說文云蓮荷實也藕荷根也爾雅云其實  
蓮其根藕

菊一名日精種類甚繁

牡丹花譜云唐人謂之木芍藥北方地寒不甚  
相宜冬必覆蓋

芍藥上林賦注云根主和五臟辟毒氣

薔薇俗呼佛見笑十弟兄者是米慶孫詩云四  
面垂條密浮陰入夏清綠攢傷手刺紅墜斷腸  
英

萱花說文云忘憂草也梅聖俞云人心與草不  
相同安有樹萱憂自釋若能憂及此能忘乃是  
人心爲物易

雞冠有紅黃白紫數種矮者名壽星雞冠山谷  
詩云紫冠黃鈿網絲窠

葵花名不一有冬葵戎葵菟葵向日葵黃葵錦  
葵蜀葵諸種

石竹叢生俗名剪春羅太白詩云石竹繡羅衣  
玉簪質素而香古詩云玉簪墮地無人拾化作  
東南第一花

荷花廣雅云荷芙蓉江東呼荷葉爲芙蓉爾雅  
云其莖茄其葉荷其本秀其花菡萏爾雅注云  
北方人以藕爲荷亦以蓮爲荷

容城縣志 卷四 食貨 古  
馬蘭生道旁似蘭而大色藍無香離騷云蘭芷  
變而不芳荃蕙化而爲茅

菖蒲一名菖歎風俗通曰菖蒲放花人食之干  
年

萍說文云無根浮水而生郭璞注云江東人謂  
之溱爾雅云萍之大者曰蘋

### 木類

松左傳云培塿無松栢容無山故此木少  
栢文選云青青陵上栢容城栢樹惟廟寺  
中有近亦有植於家園者

槐管子云沃土其木宜槐魏都賦云槐以蔭途  
桑毛詩云蠶月宜桑術云桑木箕星之精王介  
甫詩幽燕桑葉暗川原幽薊古多樹桑今則絕  
少矣

榆管子云五沃之土其榆條長春秋元命苞曰  
三月榆錢落又白榆名枌河間府志云白枌皮  
可充饑其錢甚美葉亦可食漢龔遂治勃海令  
民口種十樹備饑

柳管子云五沃之土宜柳荊州記云緣城堤邊  
悉植細柳綠條散風清蔭交栢

檜一名栝爾雅云栝葉松身曰檜

禽類

雞春秋題辭云雞爲積陽火德之精故陽出雞  
鳴以類感也白樂天詩云黃雞催曉丑時鳴  
鴈爾雅云北方有鴈似鴻而小色白秋深乃來  
來則霜降儀禮云婚禮用鴈

鶩一名野鴈古今注云鶩善鬪好啖蛇

鴨一名舒鳧李廵云家曰鳧野曰鴨今之家鴨  
乃鳧也詩曰曲池眠浮鴨

獸類

馬格物論云馬武獸

騾崔豹古今注云騾驢父馬母

驢說文云驢長耳也

牛說文云牯特牛父也犢牛子也曲禮曰牛曰元武

羊古今注云一名髯鬚主簿曲禮曰羊曰柔毛豕爾雅曰豕豬也古今注曰一名長喙將軍

犬爾雅曰犬狗也魏賈曰敬主識主書則無穿窬之客夜則無姦淫之盜

猫西陽雜俎云猫目睛圓及午豎斂如線其鼻

容城縣志

卷四

食貨

六

尖常冷惟夏至一日暖

水族類

容無水澤巨馬白溝等河產有數種然亦甚少

鯉魚陶隱君云鯉爲魚王其鱗三十有六

魴魚詩注云身廣而薄少力細鱗

鯽魚本草云稷米所化能健脾

鮎魚爾雅云鰓鮎三月以後出海

鮠鮠黃頰似鮎而小背黃而腹白

鱮魚又呼爲黑魚身圓而紋黑

鱖魚眼赤頭小而身長

蝦事文類聚云蝗化爲蝦



鯿西陽雜俎云鯿腹下有王字者不可食

集市

在城 一三六八

白溝河 三五八十

小李 四九

張市 四九